



Bosnia and Herzegovina
Federation of Bosnia and Herzegovina

CANTON SARAJEVO
Ministry of Internal Affairs

Broj: 01-9-02-2-2839/26
Sarajevo, 18.05.2026. godine

SKUPŠTINA KANTONA SARAJEVO
n/r predsjedavajućeg Skupštine

PREDMET: Odgovor na zastupničku inicijativu zastupnica Kristić Danijele i Pekić Jelene, dostavlja se;
VEZA: Vaš akt broj: 01-04-24273-7/26 od 05.05.2026. godine

U skladu sa članom 219. stav 3. Poslovnika Skupštine Kantona Sarajevo ("Službene novine Kantona Sarajevo"- br. 41/12-Drugi novi prečišćeni tekst, 15/13, 47/13, 47/15, 48/16 i 17/22), dostavljamo odgovor na zastupničku inicijativu, koju su dana 05.05.2026. godine na 30. radnoj sjednici Skupštine Kantona Sarajevo uputile zastupnice Kristić Danijela i Pekić Jelena, a koja je glasila „Inicijativa za uspostavljanje kontinuiranog programa unapređenja prevencije nasilja nad ženama koja bi obuhvatala masovnu teoretsku edukaciju žena, masovnu praktičnu obuku samoodbrane za žene, masovnu promotivnu kampanju s ciljem promocije preventivnih programa.“.

Odgovor:

„Ministarstvo unutrašnjih poslova Kantona Sarajevo je mišljenja da je predmetna inicijativa opravdana. Ministarstvo unutrašnjih poslova Kantona Sarajevo, Uprava policije je spremna da aktivno učestvuje u svim daljim aktivnostima bilo da se radi o razmjeni relevantnih informacija u skladu sa zakonskim okvirima, provođenju mjera zaštite i podrške žrtvi i zajedničkom djelovanju sa ostalim subjektima zaštite.“

S poštovanjem,

Prilog:

1. Akt Ministarstva unutrašnjih poslova Kantona Sarajevo, Uprave policije broj:02/1-3-47/26 od 14.05.2026. godine ;
2. CD x1.

Dostaviti:

1. Naslovu;
2. Stručna služba Vlade Kantona Sarajevo;
3. Za objavu na web stranici Ministarstva;
4. a/a.



15-05-2026
371

Bosna i Hercegovina
Federacija Bosne i Hercegovine
KANTON SARAJEVO
Ministarstvo unutrašnjih poslova
Uprava policije
Ured policijskog komesara



Босна и Херцеговина
Федерација Босне и Херцеговине
КАНТОН САРАЈЕВО
Министарство унутрашњих послова
Управа полиције
Уред полицијског комесара

Bosnia and Herzegovina
Federation of Bosnia and Herzegovina
CANTON SARAJEVO
Ministry of Internal Affairs
Police department
Office of the Police Commissioner

Broj: 02/1-3-47/26
Datum: 14.05.2026. godine


MINISTARSTVO UNUTRAŠNJIH POSLOVA
-n/r Sekretara ministarstva

PREDMET: Zastupničko pitanje, odgovor, d o s t a v l j a m o.-

VEZA: Vaš akt broj 01-9-02-2-2839/26 od 11.05.2026. godine.

U vezi Vašeg akta broj i datum gornji, u prilogu istog dostavljamo odgovor na zastupničku inicijativu zastupnica u Skupštini Kantona Sarajevo Pekić Jelene i Kristić Danijele.

S poštovanjem,



INFORMACIJA

Sačinjena dana 14.05.2026. godine u službenim prostorijama Odjeljenja za prevenciju maloljetničkog prijestupništva, nasilja u porodici i rad policije u zajednici, Ureda policijskog komesera na okolnosti Zastupničke inicijative zastupnica u Skupštini Kantona Sarajevo Pekić Jelene i Kristić Danijele.

Policijski službenici Uprave policije MUP-a Kantona Sarajevo svakodnevno postupaju u skladu sa Zakonom o zaštiti od nasilja u porodici i nasilja prema ženama FBiH ("Službene novine Federacije Bosne i Hercegovine broj 19/25"), Pravilnikom o načinu provođenja zaštitnih mjera za počinioc nasilja u porodici koje su u nadležnosti policije ("Službene novine Federacije Bosne i Hercegovine broj 86/25"), Pravilnikom o postupku i načinu provođenja procjene rizika za žrtve nasilja u porodici i nasilja prema ženama ("Službene novine Federacije Bosne i Hercegovine broj 86/25").

Uprava policije MUP-a Kantona Sarajevo u svom strateškom opredjeljnu ostvaruje saradnju sa naučno-obrazovnim institucijama, vladinim i nevladinim sektorom, sa ciljem razmjene teorijskih i praktičnih iskustava, koja se odnose na krivična djela nasilja u porodici. Također, radi se na kontinuiranom stručnom usavršavanju policijskih službenika u cilju kvalitetnije zaštite žrtve nasilja u porodici i nasilja nad ženama, kao i boljeg dokumentovanja navedenog krivičnog djela.

Uprava policije MUP-a Kantona Sarajevo je izradila projekat za provođenje kampanje „Nasilje nije privatna stvar-prijavi i zaštititi”. Realizacija ovog projekta je trenutno u toku, s primarnim fokusom na preventivni rad i jačanje društvene odgovornosti. Glavni cilj kampanje je podsticanje građana na prijavljivanje onih oblika nasilja koji često ostaju skriveni unutar četiri zida i promovisanje koncepta građanske dužnosti, čime se nasilje u porodici jasno definiše kao ozbiljan javni problem. Cilj projekta je transformisanje društvene svijest i promijene narativa u kojem se porodični problemi smatraju isključivo „privatnom sferom“. Ovakvim pristupom se dodatno afirmira rad „Policije u zajednici“, stavljajući naglasak na povjerenje, zaštitu žrtava i zajedničko djelovanje institucija i građana, u cilju multisektorskog pristupa sa kontinuiranom razmjenom iskustava, znanja i primjeni dobri praksi svih subjekata zaštite, radi unapređenja prevencije, zaštite žrtava i efikasnijeg odgovora institucija na sve oblike nasilja u porodici i nasilja nad ženama.

Uprava policije MUP-a Kantona Sarajevo stoji na raspolaganju za svaki vid dalje saradnje, s primarnim ciljem pružanja adekvatne zaštite žrtvama nasilja u porodici, koja u tim trenucima ostaje primarni, a ponekad i jedini oslonac žrtvi, što ukazuje na potrebu za snažnijim i efikasnijim uvezivanjem svih nadležnih institucija.

Uprava policije MUP-a Kantona Sarajevo je spremna da aktivno učestvuje u svim daljim aktivnostima, bilo da se radi o razmjeni relevantnih informacija u skladu sa zakonskim okvirima, provođenju mjera zaštite i podrške žrtvi i zajedničkom djelovanju sa ostalim subjektima zaštite.

Sarajevo, 14.05.2026. godine.